

ঘুমানোর আগে মরণের স্মরণ



আলী হাসান তৈয়ব

সম্পাদনা : ড. আবু বকর মুহাম্মাদ যাকারিয়া

المكتب التعاوني للدعوة وتوعية الجاليات بالربوة

هاتف: +966114404900 فاكس: +9661144970137 ص ب: 29465 الرياض: 11457

ISLAMIC PROPAGATION OFFICE IN RABWAH

P.O.BOX 29465 RIYADH 11457 TEL: +966 11 4454900 FAX: +966 11 4970126



OFFICERABWAH

تذكر الموت قبل النوم

(باللغة البنغالية)



علي حسن طيب

مراجعة: د/ أبو بكر محمد زكريا

المكتب التعاوني للدعوة وتوعية الجاليات بالربوة

هاتف: +966114404900 فاكس: +966114490126 ص ب: 29465 الرياض: 11457

ISLAMIC PROPAGATION OFFICE IN RABWAH

P.O.BOX 29465 RIYADH 11457 TEL: +966 11 4454900 FAX: +966 11 4970126



OFFICERABWAH



সংক্ষিপ্ত বর্ণনা.....

ঘুম এক ধরনের মৃত্যু। তাই ঘুমানোর
আগে মৃত্যুর জন্য প্রস্তুত হয়ে শোয়া উচিত।
কুরআন ও হাদীসের বিভিন্ন উদ্ধৃতির
আলোকে বক্ষমান নিবন্ধে সে বিষয়টিই
তুলে ধরা হয়েছে।

ঘুমানোর আগে মরণের স্মরণ



নিদ্রা এক ধরনের মৃত্যু। নিদ্রায় বিভোর মানুষ মৃত ব্যক্তির মতোই। পাশের বাড়িতে চুরি-ডাকাতি হলে সে টের পায় না। খুব পাতলা ঘুম না হলে বিছানায় পাশে থেকে কেউ উঠে গেলেও সে বুঝতে পারে না। অনেক কুস্কর্গের মানুষকে তো ঘুমন্ত অবস্থায় এক ঘর থেকে আরেক ঘরে নিয়ে গেলেও ঠাওর করতে পারে না। আসলে মৃত্যু তো আত্মার স্থানান্তর। মানুষের ধর ভূমিতে থাকে, কিন্তু তার আত্মা চলে

জান্নাত বা জাহান্নামের ঠিকানায়। আল্লাহর
কবজায়।

জীববিজ্ঞানের ভাষায়, প্রাণ আছে এমন
কোনো জৈব পদার্থের (বা জীবের) জীবনের
সমাপ্তিকে মৃত্যু বলে। এর মধ্য দিয়ে থেমে
যায় প্রাণীর-জীবের শ্বসন, খাদ্যগ্রহণ,
পরিচলন- সবই। মৃত মানুষটি আর কথা
বলে না। হাসে না, কাঁদেও না।
অনন্তকালের জন্য তার চোখের পাপড়ি
দু'টো বুজে যায়। এই তো মৃত্যু। এই তো
চিরবিদায়ে আল্লাহর চিরাচরিত অমোঘ
রীতি। এ অনিবার্য। এ অবধারিত। আল্লাহ

তা‘আলা বলেন,

﴿كُلُّ نَفْسٍ ذَائِقَةُ الْمَوْتِ ثُمَّ إِلَيْنَا تُرْجَعُونَ ﴿٥٧﴾﴾

[العنكبوت: ٥٧]

“প্রতিটি প্রাণ মৃত্যুর স্বাদ আস্বাদন করবে,
তারপর আমার কাছেই তোমরা প্রত্যাবর্তিত
হবে।” [সূরা আল-‘আনকাবূত, আয়াত:
৫৭]

ঘুমের ব্যাপারটিও তেমনি। যত বীর-
বাহাদুর হোন না কেন, এক সময় ঘুমের
কাছে আপনাকে হার মানতে হবেই। নিদ্রার
কোলে ঢলে পড়তে হবে মৃত্যুর মতোই।
কুরআন ও সহীহ হাদীস বলছে, নিদ্রাকালে

মানুষের রুহ বা আত্মা নিয়ে নেওয়া হয়, যেমন করা হয় তার মৃত্যুকালে। মরণ এসে গেলে এ ঘুম হয়ে যায় চিরনিদ্রা অন্যথায় নিদ্রা টুটে গেলে সে আবার জীবন ফিরে পায়। আল্লাহ তা‘আলা বলেন,

﴿اللَّهُ يَتَوَفَّى الْأَنْفُسَ حِينَ مَوْتِهَا وَالَّتِي لَمْ تَمُتْ فِي مَنَامِهَا فَيُمْسِكُ الَّتِي قَضَىٰ عَلَيْهَا الْمَوْتَ وَيُرْسِلُ الْأُخْرَىٰ إِلَىٰ أَجَلٍ مُّسَمًّى ۚ إِنَّ فِي ذَٰلِكَ لَآيَاتٍ لِّقَوْمٍ يَتَفَكَّرُونَ ﴿٤٢﴾﴾ [الزمر: ٤٢]

“আল্লাহ জীবগুলোর প্রাণ হরণ করেন তাদের মৃত্যুর সময় এবং যারা মরে নি তাদের নিদ্রার সময়। তারপর যার জন্য

তিনি মৃত্যুর ফয়সালা করেন তার প্রাণ
 তিনি রেখে দেন এবং অন্যগুলো ফিরিয়ে
 দেন একটি নির্দিষ্ট সময় পর্যন্ত। নিশ্চয়
 এতে চিন্তাশীল সম্প্রদায়ের জন্য অনেক
 নিদর্শন রয়েছে।” [সূরা আয-যুমার,
 আয়াত: ৪২]

অন্যত্র আল্লাহ বলেন,

﴿وَهُوَ الَّذِي يَتَوَفَّاكُم بِاللَّيْلِ وَيَعْلَمُ مَا جَرَحْتُم
 بِالنَّهَارِ ثُمَّ يَبْعَثُكُمْ فِيهِ لِيُقْضَىٰ أَجَلٌ مُّسَمًّى ثُمَّ
 إِلَيْهِ مَرْجِعُكُمْ ثُمَّ يُنَبِّئُكُم بِمَا كُنتُمْ تَعْمَلُونَ

[الانعام: ٦٠]

“আর তিনিই রাতে তোমাদেরকে মৃত্যু দেন
এবং দিনে তোমরা যা কামাই কর তিনি তা
জানেন। তারপর তিনি তোমাদেরকে দিনে
পুনরায় জাগিয়ে তুলেন, যাতে নির্দিষ্ট
মেয়াদ পূর্ণ করা হয়। তারপর তাঁর দিকেই
তোমাদের প্রত্যাবর্তন। তারপর তোমরা যা
করতে তিনি তোমাদেরকে সে বিষয়ে
অবহিত করবেন।” [সূরা আল-আন‘আম,
আয়াত: ৬০]

আবু কাতাদা রাদিয়াল্লাহু ‘আনহু থেকে
বর্ণিত,

«حِينَ نَامُوا عَنِ الصَّلَاةِ قَالَ النَّبِيُّ - صَلَّى اللَّهُ عَلَيْهِ وَسَلَّمَ «إِنَّ اللَّهَ قَبَضَ أَرْوَاحَكُمْ حِينَ شَاءَ، وَرَدَّهَا حِينَ شَاءَ». فَقَضُوا حَوَائِجَهُمْ وَتَوَضَّأُوا إِلَى أَنْ طَلَعَتِ الشَّمْسُ وَابْيَضَّتْ فَقَامَ فَصَلَّى».

“(একবার এক সফরে সাহাবায়ে কেরামের) যখন সালাতের সময় ঘুমে অতিক্রম হয়ে গেল, নবী সাল্লাল্লাহু ‘আলাইহি ওয়াসাল্লাম বললেন, ‘নিশ্চয় আল্লাহ যখন চেয়েছেন তোমাদের রুহ কবজা করেছেন আবার তা ফেরত দিয়েছেন যখন তিনি চেয়েছেন।’ অতঃপর তারা প্রাকৃতিক প্রয়োজন সারলেন ও অযু

করলেন। এরপর যখন সূর্যোদয় হলো এবং আকাশ ফরসা হলো, তারা সবাই দাঁড়িয়ে সালাত আদায় করে নিলেন।”¹

আবু জুহায়ফা রাদিয়াল্লাহু ‘আনহু বলেন,
 «كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ فِي سَفَرِهِ
 الَّذِي نَامُوا فِيهِ حَتَّى طَلَعَتِ الشَّمْسُ، فَقَالَ: إِنَّكُمْ
 كُنْتُمْ أَمْوَاتًا فَرَدَّ اللَّهُ إِلَيْكُمْ أَرْوَاحَكُمْ، فَمَنْ نَامَ
 عَنِ صَلَاةٍ فَلْيُصَلِّهَا إِذَا اسْتَيْقَظَ، وَمَنْ نَسِيَ صَلَاةً
 فَلْيُصَلِّ إِذَا ذَكَرَ».

¹ সহীহ বুখারী, হাদীস নং ৭৪৭১।

“এক সফরে সাহাবীগণ ঘুমিয়ে পড়েছিলেন আর সূর্য উঠে যাওয়ায় সালাত কাজা হয়ে গিয়েছিল, তখন রাসূলুল্লাহ্ ছালাল্লাহ্ ‘আলাইহি ওয়াসাল্লাম বলেন, তোমরা মরে গিয়েছিলে, অতঃপর আল্লাহ তোমাদের রুহ ফিরিয়ে দিয়েছেন। সুতরাং যে ব্যক্তি নিদ্রামগ্নতায় সালাত কাযা করে ফেলে সে যেন তা জেগেই আদায় করে নেয়। আর যে সালাতের কথা ভুলে যায়, সে যেন মনে পড়তেই তা আদায় করে নেয়।”²

² তাবরানী, মু‘জাম, হাদীস নং ২৬৮, শাইখ

নিদ্রা যেহেতু মৃত্যুর নমুনা, তাই আমাদের
কর্তব্য হবে নিদ্রা গমনের আগে মরণের
মতো প্রস্তুতি সম্পন্ন করা। আমাদের
কাউকে যদি বলা হয়, আপনাকে কয়েক
মিনিট সময় দেওয়া হলো আপনি মৃত্যুর
জন্য চূড়ান্তভাবে প্রস্তুত হোন, আমরা কী
করব? আমরা যত গাফেল ও আল্লাহর দীন
সম্পর্কে উদাসীন হই না কেন, এ কথায়
কিন্তু সবাই সিরিয়াস হয়ে যাব। পড়িমরি
করে আমরা যথাসম্ভব কর্তব্যকাজ সমাধা
করব। তাওবা করে সবার কাছ থেকে

আলবানী সহীহ বলেছেন।

মাফটাফ চেয়ে নিব। কোনো পাওনাদার থাকলে তার সঙ্গে সুরাহা করে নিব ইত্যাদি। উপর্যুক্ত কুরআন ও হাদীসের উদ্ধৃতিগুলোয় যদি আমরা পরিপূর্ণভাবে বিশ্বাস স্থাপন করি তাহলে ঘুমানোর আগেও আমাদের তেমন একটি সুযোগ গ্রহণ করতে হবে। আমরা কেউ জানি না রাতের এ ঘুম অবশেষে চিরনিদ্রায় পরিণত হয় কিনা।

প্রযুক্তির উৎকর্ষের এ যুগে মানুষ কত কিছুই তো জানে। বিজ্ঞানীরা কত কিছুর সূত্রই তো আবিষ্কার করেন, স্যাটেলাইট

প্রযুক্তি দিয়ে নাকি পৃথিবীর কোনো কোনো উন্নত দেশ সারা পৃথিবীর সবখানেই নজর রাখে, আবার কোনো কোনো দেশের দাবি মহাসাগরে একটি বল ভাসলেও তাদের রাডারে তা ধরা পড়ে, মানুষ মঙ্গলগ্রহে বসত গড়ছে, বোতাম টিপে হাজার মাইল দূর থেকে নির্ভুল লক্ষ্যবস্তুতে অব্যর্থ মিসাইলের আঘাত হানছে, অথচ এতসব প্রযুক্তি আর জ্ঞান-বিজ্ঞান এখনো আল্লাহর সেই ১৪ শত বছর আগের চ্যালেঞ্জ গ্রহণ করতে পারে নি। কে কবে মারা যাবে তা উদ্ধারের কোনো প্রযুক্তি এখনো আবিষ্কৃত

হয়নি। কোনো মানুষ জানে না কে কখন
মারা যাবে। আল্লাহর ভাষায় :

﴿إِنَّ اللَّهَ عِنْدَهُ عِلْمُ السَّاعَةِ وَيُنزِلُ الْغَيْثَ وَيَعْلَمُ
مَا فِي الْأَرْحَامِ وَمَا تَدْرِي نَفْسٌ مَّاذَا تَكْسِبُ غَدًا
وَمَا تَدْرِي نَفْسٌ بِأَيِّ أَرْضٍ تَمُوتُ إِنَّ اللَّهَ عَلِيمٌ
خَبِيرٌ ﴿٣٤﴾﴾ [لقمان: ٣٤]

“নিশ্চয় আল্লাহর নিকট কিয়ামতের জ্ঞান
রয়েছে। আর তিনি বৃষ্টি বর্ষণ করেন এবং
জরায়ুতে যা আছে, তা তিনি জানেন। আর
কেউ জানে না আগামীকাল সে কী অর্জন
করবে এবং কেউ জানে না কোন্ স্থানে সে

মারা যাবে। নিশ্চয় আল্লাহ সর্বজ্ঞ, সম্যক
অবহিত।” [সূরা লুকমান, আয়াত: ৩৪]

হ্যাঁ ঘুমানোর আগে আমাদের সব হিসাব-
নিকাশ করে শোয়া উচিৎ। সারাদিনের
কর্মকাণ্ডের পর্যালোচনা জরুরী। উচিৎ
হলো, আল্লাহ ও তার বান্দার কোনো হক
অনাদায়ী থেকে গেলে সেটা আদায় করা।
যেমন সারাদিন কর্মব্যস্ততা বা শয়তানের
প্রবঞ্চনায় কোনো সালাত বাদ গিয়ে থাকলে
সেটা অবশ্যই আদায় করে নিব। আল্লাহর
কোনো বান্দাকে কথা বা কাজে কষ্ট দিয়ে
থাকলে তার কাছ থেকে মাফ চেয়ে নেব।

মোবাইলের যুগে এখন এ কাজ কত সহজ হয়ে গেছে। আমরা আল্লাহর কাছে কী অজুহাত দিব? মাত্র দু'টাকা খরচ করে ফোনে বলতে পারি, ভাই আজ তোমার সঙ্গে খারাপ ব্যবহার করেছি মাফ করে দাও কিংবা ভাই, আজ তোমার গীবত করেছি ক্ষমা করে দাও ইত্যাদি। এভাবে নিজেই নিজের হিসাব নিয়ে কবরে যাওয়ার জন্য ঘুমানোর আগে প্রস্তুতি সম্পন্ন করি। উমার রাদিয়াল্লাহু 'আনহুর সেই বিখ্যাত বাণীটি আমরা স্মরণ করতে পারি, তিনি বলেছেন,

«حَاسِبُوا أَنْفُسَكُمْ قَبْلَ أَنْ تُحَاسَبُوا وَزِنُوا
 أَنْفُسَكُمْ قَبْلَ أَنْ تُوزَنُوا، وَتَزِينُوا لِلْعَرْضِ الْأَكْبَرِ،
 يَوْمَ تُعْرَضُونَ لَا تَخْفَى مِنْكُمْ خَافِيَةٌ».

“তোমাদের কাছে হিসাব চাওয়ার আগে
 নিজেরাই নিজেদের হিসাব সম্পন্ন করে
 নাও, তোমাদের আমল ওজন করার আগে
 নিজেরাই নিজেদের আমলসমূহ ওজন করে
 নাও, কিয়ামত দিবসে পেশ হওয়ার জন্য
 নিজেদের প্রস্তুত করো। সুসজ্জিত হও

সেদিনের জন্য, যেদিন তোমাদের সামনে
কোনো কিছু অস্পষ্ট থাকবে না।”³

ঘুমানোর আগে সেই দিনটির কথা মনে
করা উচিত যেদিন আমার সব কর্মফল
সম্মুখে উপস্থিত পাব, কোনো কিছু
রেকর্ডের বাইরে থাকবে না, আর কেউ
কারও উপকারেও আসবে না। আল্লাহর
ভাষায় পড়ুন:

﴿فَإِذَا نُفِخَ فِي الصُّورِ نَفْحَةٌ وَاحِدَةٌ ﴿١٣﴾ وَحُمِلَتِ
الْأَرْضُ وَالْجِبَالُ فَدُكَّتَا دَكَّةً وَاحِدَةً ﴿١٤﴾ فَيَوْمَئِذٍ

³ মুছান্নাফ, ইবন আবী শাইবা, হাদীস নং ৩৫৬০০।

وَقَعَتِ الْوَاقِعَةُ ﴿١٥﴾ وَأَنْشَقَّتِ السَّمَاءُ فَهِيَ يَوْمَئِذٍ
 وَاهِيَةٌ ﴿١٦﴾ وَالْمَلِكُ عَلَى أَرْجَائِهَا وَيَحْمِلُ عَرْشَ رَبِّكَ
 فَوْقَهُمْ يَوْمَئِذٍ ثَمَنِيَّةٌ ﴿١٧﴾ يَوْمَئِذٍ تُعْرَضُونَ لَا تَخْفَى
 مِنْكُمْ خَافِيَةٌ ﴿١٨﴾ فَأَمَّا مَنْ أُوتِيَ كِتَابَهُ بِيَمِينِهِ
 فَيَقُولُ هَؤُلَاءِ أَفْرَعُوا كِتَابِيَةَ ﴿١٩﴾ إِنِّي ظَنَنْتُ أَنِّي مُلْقٍ
 حِسَابِيَةَ ﴿٢٠﴾ فَهُوَ فِي عِيشَةٍ رَاضِيَةٍ ﴿٢١﴾ فِي جَنَّةٍ
 عَالِيَةٍ ﴿٢٢﴾ فُطُوفُهَا دَانِيَةٌ ﴿٢٣﴾ كُلُوا وَاشْرَبُوا هَنِيئًا بِمَا
 أَسْلَفْتُمْ فِي الْأَيَّامِ الْخَالِيَةِ ﴿٢٤﴾ وَأَمَّا مَنْ أُوتِيَ كِتَابَهُ
 بِشِمَالِهِ فَيَقُولُ يَلِيَّتَنِي لَمْ أُوتِ كِتَابِيَةَ ﴿٢٥﴾ وَلَمْ أَدْرِ
 مَا حِسَابِيَةَ ﴿٢٦﴾ يَلِيَّتَهَا كَانَتِ الْقَاضِيَةَ ﴿٢٧﴾ مَا أَغْنَى
 عَنِّي مَالِيَةَ ﴿٢٨﴾ هَلَكَ عَنِّي سُلْطَانِيَةَ ﴿٢٩﴾ ﴿ [الحاقة:

[٢٩ ، ١٣]

“অতঃপর যখন শিংগায় ফুঁক দেওয়া হবে-
একটি মাত্র ফুঁক। আর যমীন ও
পর্বতমালাকে সরিয়ে নেওয়া হবে এবং মাত্র
একটি আঘাতে এগুলো চূর্ণ-বিচূর্ণ হয়ে
যাবে। ফলে সে দিন মহাঘটনা সংঘটিত
হবে। আর আসমান বিদীর্ণ হয়ে যাবে।
ফলে সেদিন তা হয়ে যাবে দুর্বল বিক্ষিপ্ত।
ফিরিশতাগণ আসমানের বিভিন্ন প্রান্তে
থাকবে। সেদিন তোমার রবের আরশকে
আটজন ফিরিশতা তাদের উর্ধ্ব বহন
করবে। সেদিন তোমাদেরকে উপস্থিত করা
হবে। তোমাদের কোন গোপনীয়তাই
গোপন থাকবে না। তখন যার আমলনামা

তার ডান হাতে দেয়া হবে সে বলবে,
‘নাও, আমার আমলনামা পড়ে দেখ’।
‘আমার দৃঢ় বিশ্বাস ছিল যে, আমি আমার
হিসাবের সম্মুখীন হব’। সুতরাং সে
সন্তোষজনক জীবনে থাকবে। সুউচ্চ
জ্ঞান্নাতে, তার ফলসমূহ নিকটবর্তী থাকবে।
(বলা হবে,) ‘বিগত দিনসমূহে তোমরা যা
অগ্রে প্রেরণ করেছ তার বিনিময়ে তোমরা
তৃপ্তি সহকারে খাও ও পান কর’। কিন্তু
যার আমলনামা তার বাম হাতে দেওয়া
হবে সে বলবে, ‘হায়, আমাকে যদি আমার
আমলনামা দেওয়া না হত’! ‘আর যদি
আমি না জানতাম আমার হিসাব’! ‘হায়,

মৃত্যুই যদি আমার চূড়ান্ত ফয়সালা হত! ‘আমার সম্পদ আমার কোনো কাজেই আসল না!’ ‘আমার ক্ষমতাও আমার থেকে চলে গেল!’ [সূরা আল-হাক্বা, আয়াত: ১৩-২৯]

আরেক সূরায় আল্লাহ রাব্বুল ‘আলামীন বলেন,

﴿فَإِذَا جَاءَتِ الصَّآخَةُ ۝۳۳﴾ يَوْمَ يَفِرُّ الْمَرْءُ مِنْ أَخِيهِ
 ۝۳۴ وَأُمِّهِ وَأَبِيهِ ۝۳۵ وَصَحْبَتِهِ وَبَنِيهِ ۝۳۶ لِكُلِّ
 أَمْرٍ مِّنْهُمْ يَوْمَئِذٍ شَأْنٌ يُغْنِيهِ ۝۳۷ وَجُوهٌ يَوْمَئِذٍ
 مُّسْفِرَةٌ ۝۳۸ ضَاكِرَةٌ مُّسْتَبْشِرَةٌ ۝۳۹ وَوُجُوهٌ يَوْمَئِذٍ

عَلَيْهَا غَبْرَةٌ ﴿٤٠﴾ تَرَهَّقُهَا قَتْرَةٌ ﴿٤١﴾ [عبس: ٣٣، ٤١]

“অতঃপর যখন বিকট (কিয়ামত দিবসের) আওয়াজ আসবে, সেদিন মানুষ পালিয়ে যাবে তার ভাই থেকে, তার মা ও তার বাবা থেকে, তার স্ত্রী ও তার সন্তান-সন্ততি থেকে। সেদিন তাদের প্রত্যেকেরই একটি গুরুতর অবস্থা থাকবে, যা তাকে ব্যতিব্যস্ত করে রাখবে। সেদিন কিছু কিছু চেহারা উজ্জ্বল হবে। সহাস্য, প্রফুল্ল। আর কিছু কিছু চেহারার উপর সেদিন থাকবে

মলিনতা। কালিমা সেগুলোকে আচ্ছন্ন
করবে।” [সূরা আবাসা, আয়াত: ৩৩-৪১]

ঘুমানোর আগে আমরা মুহাসাবা তথা
আত্মপর্যালোচনার পাশাপাশি কিয়ামত
দিবসে হাশরের সেই বিচারলগ্নের
কঙ্কটাপন্ন মুহূর্তগুলোর কথাও মনে করতে
পারি, যার পুনঃপুনঃ বিবরণ দিয়েছেন খোদ
সে দিবসের মহাবিচারক। আল্লাহ তা‘আলা
বলেন,

﴿وَيَوْمَ نُسَيِّرُ الْجِبَالَ وَتَرَى الْأَرْضَ بَارِزَةً
وَحَشَرْنَاهُمْ فَلَمْ نُغَادِرْ مِنْهُمْ أَحَدًا ﴿٤٧﴾ وَعَرِضُوا عَلَى
رَبِّكَ صَفًّا لَقَدْ جِئْتُمُونَا كَمَا خَلَقْنَاكُمْ أَوَّلَ مَرَّةٍ

بَلْ زَعَمْتُمْ أَلَّن نَجْعَلَ لَكُمْ مَوْعِدًا ﴿٤٨﴾ وَوُضِعَ
 الْكِتَابُ فَتَرَى الْمُجْرِمِينَ مُشْفِقِينَ مِمَّا فِيهِ
 وَيَقُولُونَ يَا وَيْلَتَنَا مَا لِ هَذَا الْكِتَابِ لَا يُغَادِرُ
 صَغِيرَةً وَلَا كَبِيرَةً إِلَّا أَحْصَاهَا وَوَجَدُوا مَا عَمِلُوا
 حَاضِرًا ۗ وَلَا يَظْلِمُ رَبُّكَ أَحَدًا ﴿٤٩﴾ [الكهف: ٤٧،

[٤٩]

“আর যেদিন আমরা পাহাড়কে চলমান
 করব এবং তুমি যমীনকে দেখতে পাবে
 দৃশ্যমান, আর আমি তাদেরকে একত্র
 করব। অতঃপর তাদের কাউকেই ছাড়ব
 না। আর তাদেরকে তোমার রবের সামনে
 উপস্থিত করা হবে কাতারবদ্ধ করে।

(আল্লাহ বলবেন) ‘তোমরা আমার কাছে এসেছ তেমনভাবে, যেমন আমরা তোমাদেরকে প্রথমবার সৃষ্টি করেছিলাম; বরং তোমরা তো ভেবেছিলে আমি তোমাদের জন্য কোনো প্রতিশ্রুত মুহূর্ত রাখি নি’। আর আমলনামা রাখা হবে। তখন তুমি অপরাধীদেরকে দেখতে পাবে ভীত, তাতে যা রয়েছে তার কারণে। আর তারা বলবে, ‘হায় ধ্বংস আমাদের! কী হল এ কিতাবের! তা ছোট-বড় কিছুই ছাড়ে না, শুধু সংরক্ষণ করে’ এবং তারা যা করেছে, তা হাযির পাবে। আর তোমার রব কারো

প্রতি জুলুম করেন না।” [সূরা আল-কাহফ,
আয়াত: ৪৭-৪৯]

সূরা যিলযালে আল্লাহ সে মুহূর্তের
দৃশ্যগুলোর চমৎকার চিত্র তুলে ধরেছেন।
তিনি বলেন,

﴿ إِذَا زُلْزِلَتِ الْأَرْضُ زِلْزَالَهَا ① وَأَخْرَجَتِ الْأَرْضُ
أَثْقَالَهَا ② وَقَالَ الْإِنْسَانُ مَا لَهَا ③ يَوْمَئِذٍ تُحَدِّثُ
أَخْبَارَهَا ④ بِأَنَّ رَبَّكَ أَوْحَىٰ لَهَا ⑤ يَوْمَئِذٍ يَصْدُرُ
الْأَنَاسُ أَشْتَاتًا لِّيُرَوْا أَعْمَالَهُمْ ⑥ فَمَن يَعْمَلْ مِثْقَالَ
ذَرَّةٍ خَيْرًا يَرَهُ ⑦ وَمَن يَعْمَلْ مِثْقَالَ ذَرَّةٍ شَرًّا يَرَهُ ⑧

﴿ [الزلزلة: ১, ৮]

“যখন প্রচণ্ড কম্পনে যমীন প্রকম্পিত হবে,
 আর যমীন তার বোঝা বের করে দিবে,
 আর মানুষ বলবে, ‘এর কী হলো?’ সেদিন
 যমীন তার বৃত্তান্ত বর্ণনা করবে, যেহেতু
 তোমার রব তাকে নির্দেশ দিয়েছেন।
 সেদিন মানুষ বিক্ষিপ্তভাবে বের হয়ে আসবে
 যাতে দেখানো যায় তাদেরকে তাদের
 নিজদের কৃতকর্ম। অতএব, কেউ অণু
 পরিমাণ ভালো কাজ করলে তা সে দেখবে,
 আর কেউ অণু পরিমাণ খারাপ কাজ
 করলে তাও সে দেখবে।” [সূরা আয-
 যিলযাল, আয়াত: ১-৮]

আল্লাহর রাসূল সাল্লাল্লাহু ‘আলাইহি
 ওয়াসাল্লামের মুখেও আমরা সে বিচার
 দিবসের বিবরণ শুনতে পাই। ‘আদী ইবন
 হাতেম রাদিয়াল্লাহু ‘আনহু থেকে বর্ণিত,
 রাসূলুল্লাহ ছাল্লাল্লাহু ‘আলাইহি ওয়াসাল্লাম
 বলেন,

«مَا مِنْكُمْ أَحَدٌ إِلَّا سَيُكَلِّمُهُ رَبُّهُ، لَيْسَ بَيْنَهُ وَبَيْنَهُ
 تَرْجُمَانٌ، فَيَنْظُرُ أَيَمَنَ مِنْهُ فَلَا يَرَى إِلَّا مَا قَدَّمَ مِنْ
 عَمَلِهِ، وَيَنْظُرُ أَشْأَمَ مِنْهُ فَلَا يَرَى إِلَّا مَا قَدَّمَ،
 وَيَنْظُرُ بَيْنَ يَدَيْهِ فَلَا يَرَى إِلَّا النَّارَ تِلْقَاءَ وَجْهِهِ،
 فَاتَّقُوا النَّارَ وَلَوْ بِشِقِّ تَمْرَةٍ».

“তোমাদের প্রত্যেক ব্যক্তির সাথে আল্লাহ তাআলা সরাসরি কথা বলবেন, মাঝখানে কোনো দোভাষী থাকবে না। তখন সে তার ডান দিকে তাকাবে এবং সেখানে সে তার কৃত আমল ছাড়া আর কিছুই দেখবে না। সে বাম দিকে তাকাবে, সেখানেও সে তার কৃত আমল ছাড়া অন্যকিছু দেখবে না। সে তার সামনের দিকে তাকাবে এবং আগুন ছাড়া আর কিছুই দেখতে পাবে না। সুতরাং আগুন থেকে বাচোঁ যদিও শুকনো

খেজুরের এক টুকরো অথবা একটি ভালো কথা ব্যয় করে হয়।”⁴

মনে রাখতে হবে, মৃত্যু মানে শুধু পরপারে পাড়ি জমানো নয়, মৃত্যু মানে বিচারের কাঠগড়ায় দাঁড়ানো। আজ যার মৃত্যু হলো, এতদিন সে পৃথিবীতে স্বাধীন ছিল। যখন যা ইচ্ছা করার শক্তি ছিল, ন্যায়-অন্যায়, ফরমাবরদারী-নাফরমানী সবকিছুর সমান ক্ষমতা ছিল। সে কি আল্লাহর পূর্ণ ফরমাবরদার ছিল, না অনেক নাফরমানীও

⁴ সহীহ বুখারী, হাদীস নং ৭৫১২।

তার দ্বারা হয়েছে? প্রকাশ্যে-অপ্রকাশ্যে
গুনাহর কাজ হয়েছে? আজ আল্লাহ তাকে
ডাক দিয়েছেন হিসাবের জন্য। এ ডাকে
সাড়া না দেওয়ার উপায় নেই। স্বজন-
প্রিয়জনদের সাধ্য নেই, তাকে কোথাও
লুকিয়ে রাখে।

আজ তাকে আল্লাহর কাছে আত্মসমর্পণ
করতে হয়েছে। এখন তাকে কবরে
নামানো হবে, ফিরিশতারা আসবে, তাকে
প্রশ্ন করা হবে- তোমার রব কে, তোমার
দীন কী এবং যিনি তোমাদের কাছে প্রেরিত
হয়েছিলেন তিনি কে? তার গোটা জীবনের

কর্মই হবে এসব প্রশ্নের জবাব। সে কি সারা জীবন ঈমানে অবিচল ছিলো? সুন্নাতে অটল ছিলো? ইসলামের ফরয বিধান সালাত, সাওম, হজ, যাকাত, পর্দা-পুশিদা, লেনদেন, সততা, অন্যের হক আদায় ইত্যাদি বিধান কি সে যথাযথভাবে পালন করেছে?

এরপর সম্পূর্ণ ইসলামী রীতিতে এবং আল্লাহর নির্দেশিত ও নবী সাল্লাল্লাহু ‘আলাইহি ওয়াসাল্লামের শেখানো পদ্ধতিতে শয়্যা গ্রহণ করা এবং তার সুন্নত মতো নিদ্রা থেকে জাগ্রত হওয়া। সহীহ

হাদীসসমূহে রাসূলুল্লাহ সাল্লাল্লাহু ‘আলাইহি ওয়াসাল্লাম কর্তৃক নিদ্রার পূর্বাপর বেশ কিছু আদব ও আমল এবং বহু দু‘আ ও যিকরের শিক্ষা পাই, প্রতিটি ঈমানদারের কর্তব্য হবে হক্কুল্লাহ ও হক্কুল ইবাদ তথা আল্লাহ ও তাঁর বান্দাদের হকসমূহ আদায়ের পাশাপাশি এসব আমল যথাসম্ভব বেশি বেশি সম্পাদন করা। যেমন,

১- অপ্রয়োজনে রাত না জেগে দ্রুত ঘুমিয়ে পড়া। রাসূলুল্লাহ সাল্লাল্লাহু ‘আলাইহি ওয়াসাল্লাম এশার সালাতের আগে ঘুমানো এবং সালাতের পর অহেতুক গল্প-গুজব

করা খুব অপছন্দ করতেন। অথচ দুঃখজনক সত্য হলো, আমরা আজকাল টেলিভিশনে ইন্ডিয়ান সিরিয়াল কিংবা রাজনৈতিক আলাপের টক শো শুনে মধ্য রাতে ঘুমাতে যাই।

২- আরেক দরকারী আমল আয়াতুল কুরসি পড়া। হাদীসের একটি চমৎকার ঘটনা না লেখার লোভ সামলাতে পারছি না। আবু হুরায়রা রাদিয়াল্লাহু ‘আনহু বলেন,

«وَكَلَّنِي رَسُولُ اللَّهِ - صَلَّى اللَّهُ عَلَيْهِ وَسَلَّمَ - بِحِفْظِ زَكَاةِ رَمَضَانَ، فَأَتَانِي آتٍ فَجَعَلَ يَحْتُمُو مِنَ الطَّعَامِ، فَأَخَذْتُهُ، وَقُلْتُ وَاللَّهِ لَأَرْفَعَنَّكَ إِلَى رَسُولِ اللَّهِ -

صلى الله عليه وسلم - . قَالَ إِنِّي مُحْتَاجٌ، وَعَلَى عِيَالٍ،
وَلِي حَاجَةٌ شَدِيدَةٌ . قَالَ فَخَلَيْتُ عَنْهُ فَأَصْبَحْتُ
فَقَالَ النَّبِيُّ - صلى الله عليه وسلم - «يَا أَبَا هُرَيْرَةَ
مَا فَعَلَ أَسِيرُكَ الْبَارِحَةَ».

قَالَ قُلْتُ يَا رَسُولَ اللَّهِ شَكَا حَاجَةً شَدِيدَةً وَعِيَالًا
فَرَحِمْتُهُ، فَخَلَيْتُ سَبِيلَهُ . قَالَ «أَمَا إِنَّهُ قَدْ كَذَبَكَ
وَسَيَعُودُ». فَعَرَفْتُ أَنَّهُ سَيَعُودُ لِقَوْلِ رَسُولِ اللَّهِ -
صلى الله عليه وسلم - إِنَّهُ سَيَعُودُ. فَرَصَدْتُهُ فَجَاءَ
يَحْتُو مِنَ الطَّعَامِ فَأَخَذْتُهُ فَقُلْتُ لَأَرْفَعَنَّكَ إِلَى
رَسُولِ اللَّهِ - صلى الله عليه وسلم - . قَالَ دَعْنِي فَإِنِّي
مُحْتَاجٌ، وَعَلَى عِيَالٍ لَا أَعُودُ، فَرَحِمْتُهُ، فَخَلَيْتُ

سَبِيلَهُ فَأَصْبَحْتُ، فَقَالَ لِي رَسُولُ اللَّهِ -صلى الله عليه وسلم- « يَا أَبَا هُرَيْرَةَ، مَا فَعَلَ أُسَيْرُكَ ».

قُلْتُ يَا رَسُولَ اللَّهِ شَكَا حَاجَةً شَدِيدَةً وَعِيَالاً، فَرَحِمْتُهُ فَخَلَّيْتُ سَبِيلَهُ. قَالَ «أَمَا إِنَّهُ قَدْ كَذَبَكَ وَسَيَعُودُ». فَرَصَدْتُهُ الثَّالِثَةَ فَجَاءَ يَحْتُو مِّنَ الطَّعَامِ، فَأَخَذْتُهُ فَقُلْتُ لَأَرْفَعَنَّكَ إِلَى رَسُولِ اللَّهِ -صلى الله عليه وسلم-، وَهَذَا آخِرُ ثَلَاثِ مَرَّاتٍ أَنْكَ تَزْعُمُ لَا تَعُودُ ثُمَّ تَعُودُ. قَالَ دَعْنِي أُعَلِّمَكَ كَلِمَاتٍ يَنْفَعُكَ اللَّهُ بِهَا».

قُلْتُ مَا هُوَ قَالَ إِذَا أُوْتِيَ إِلَى فِرَاشِكَ فَاقْرَأْ آيَةَ الْكُرْسِيِّ (اللَّهُ لَا إِلَهَ إِلَّا هُوَ الْحَيُّ الْقَيُّومُ) حَتَّى تَخْتِمَ الْآيَةَ، فَإِنَّكَ لَنْ يَزَالَ عَلَيْكَ مِنَ اللَّهِ حَافِظٌ

وَلَا يَقْرَبَنَّكَ شَيْطَانٌ حَتَّى تُصْبِحَ . فَخَلَّيْتُ سَبِيلَهُ
فَأَصْبَحْتُ، فَقَالَ لِي رَسُولُ اللَّهِ - صَلَّى اللَّهُ عَلَيْهِ
وَسَلَّمَ - «مَا فَعَلَ أَسِيرُكَ الْبَارِحَةَ». قُلْتُ يَا رَسُولَ
اللَّهِ زَعَمَ أَنَّهُ يُعَلِّمُنِي كَلِمَاتٍ، يَنْفَعُنِي اللَّهُ بِهَا،
فَخَلَّيْتُ سَبِيلَهُ. قَالَ «مَا هِيَ».

قُلْتُ قَالَ لِي إِذَا أُوْتِيَ إِلَى فِرَاشِكَ فَاقْرَأْ آيَةَ
الْكَرْسِيِّ مِنْ أَوَّلِهَا حَتَّى تَخْتِمَ (اللَّهُ لَا إِلَهَ إِلَّا هُوَ
الْحَيُّ الْقَيُّومُ) وَقَالَ لِي لَنْ يَزَالَ عَلَيْكَ مِنَ اللَّهِ
حَافِظٌ وَلَا يَقْرَبَنَّكَ شَيْطَانٌ حَتَّى تُصْبِحَ، وَكَانُوا
أَحْرَصَ شَيْءٍ عَلَى الْخَيْرِ. فَقَالَ النَّبِيُّ - صَلَّى اللَّهُ
عَلَيْهِ وَسَلَّمَ - «أَمَّا إِنَّهُ قَدْ صَدَقَكَ وَهُوَ كَذُوبٌ،

تَعَلَّمَ مَنْ تُخَاطَبُ مِنْذُ ثَلَاثِ لَيَالٍ يَا أَبَا هُرَيْرَةَ.
قَالَ لَا. قَالَ « ذَاكَ شَيْطَانٌ ».

“(একবার) রাসূলুল্লাহ সাল্লাল্লাহু ‘আলাইহি ওয়াসাল্লাম আমাকে রমযানের যাকাত (ফিৎরার মাল-ধন) দেখাশোনা করার দায়িত্ব দেন। বস্তুতঃ (আমি পাহারা দিচ্ছিলাম ইত্যবসরে) একজন আগমনকারী এসে আঁজলা ভরে খাদ্যবস্তু নিতে লাগল। আমি তাকে ধরলাম এবং বললাম, ‘তোকে অবশ্যই রাসূলুল্লাহ সাল্লাল্লাহু ‘আলাইহি ওয়াসাল্লামের কাছে পেশ করব।’ সে আবেদন করল, আমি একজন সত্যিকারের

অভাবী। পরিবারের ভরণপোষণের দায়িত্ব আমার ওপর, আমার দারুণ অভাব।’ কাজেই আমি তাকে ছেড়ে দিলাম।

সকালে রাসূলুল্লাহ সাল্লাল্লাহু ‘আলাইহি ওয়াসাল্লামের সামনে হাযির হলাম, রাসূলুল্লাহ সাল্লাল্লাহু ‘আলাইহি ওয়াসাল্লাম বললেন, ‘হে আবু হুরায়রা! গত রাতে তোমার বন্দী কী আচরণ করেছে’? আমি বললাম, ‘হে আল্লাহর রাসূল! সে তার অভাব ও (অসহায়) পরিবার-সন্তানের অভিযোগ জানাল। সুতরাং তার প্রতি আমার দয়া হলে আমি তাকে ছেড়ে

দিলাম।’ তিনি বললেন, ‘সতর্ক থেকে, সে আবার আসবে’।

আমি রাসূলুল্লাহ সাল্লাল্লাহু ‘আলাইহি ওয়াসাল্লামের আনুরূপ উক্তি শুনে সুনিশ্চিত হলাম যে, সে আবার আসবে। কাজেই আমি তার প্রতীক্ষায় থাকলাম। সে (পূর্ববৎ) এসে আঁজলা ভরে খাদ্যবস্তু নিতে লাগল। আমি বললাম, ‘অবশ্যই তোকে রাসূলুল্লাহ ছাল্লাল্লাহু ‘আলাইহি ওয়াসাল্লামের কাছে পেশ করব।’ সে বলল, ‘আমি অভাবী, পরিবারের দায়ত্ব আমার ওপর, (আমাকে ছেড়ে দাও) আমি আর আসব না।’ সুতরাং

আমার মনে দয়া হল। আমি তাকে ছেড়ে দিলাম।

সকালে উঠে যখন রাসূলুল্লাহ ছাল্লাল্লাহু ‘আলাইহি ওয়াসাল্লামের কাছে গেলাম তখন) রাসূলুল্লাহ সাল্লাল্লাহু ‘আলাইহি ওয়াসাল্লাম আমাকে বললেন, “আবু হুরাইরা! গত রাতে তোমার বন্দী কী আচরণ করেছে”? আমি বললাম, ‘ইয়া রাসূলুল্লাহ ছাল্লাল্লাহু ‘আলাইহি ওয়াসাল্লাম! সে তার অভাব ও অসহায় সন্তানের-পরিবারের অভিযোগ জানাল। সুতরাং আমার মনে দয়া হলে আমি তাকে ছেড়ে

দিলাম’। তিনি বললেন, ‘সতর্ক থেকে, সে আবার আসবে’।

সুতরাং তৃতীয়বার তার প্রতীক্ষায় রইলাম। সে (এসে) অঞ্জলী ভরে খাদ্যবস্তু নিতে লাগল। আমি তাকে ধরে বললাম “এবারে তোকে রাসূলুল্লাহ ছালাল্লাহু ‘আলাইহি ওয়াসাল্লামের দরবারে হাযির করবই।’ এটা তিনবারের মধ্যে শেষবার। ‘ফিরে আসবো না’ বলে তুই আবার ফিরে এসেছিস।” সে বলল ‘তুমি আমাকে ছেড়ে দাও, আমি তোমাকে এমন কতকগুলো শব্দ শিখিয়ে দিব, যার দ্বারা আল্লাহ তোমার উপকার

করবেন।’ আমি বললাম ‘সেগুলো কী?’ সে বলল, ‘যখন তুমি (ঘুমাবার জন্য) বিছানায় যাবে, তখন আয়াতুল কুরসী পাঠ করে (ঘুমাবে) তাহলে তোমার জন্য আল্লাহর পক্ষ থেকে একজন রক্ষক নিযুক্ত হবে। আর সকাল পর্যন্ত তোমার কাছে শয়তান আসতে পারবে না’।

সুতরাং আমি তাকে ছেড়ে দিলাম। আবার সকালে (রাসূলুল্লাহ সাল্লাল্লাহু আলাইহি ওয়াসাল্লামের কাছে গেলাম) তিনি আমাকে বললেন, “তোমার বন্দী কী আচরণ করেছে?” আমি বললাম, ‘হে আল্লাহর

রাসূল! সে বলল, “আমি তোমাকে এমন কতিপয় শব্দ শিখিয়ে দিব, যার দ্বারা আল্লাহ আমার কল্যাণ করবেন।” বিধায় আমি তাকে ছেড়ে দিলাম তিনি বললেন “সে শব্দগুলো কী?” আমি বললাম, ‘সে আমাকে বলল, “যখন তুমি বিছানায় (শোয়ার জন্য) যাবে, তখন আয়াতুল কুরসী শুরু থেকে শেষ পর্যন্ত পড়ে নেবে।” সে আমাকে আর বলল, “তার কারণে আল্লাহর তরফ থেকে সর্বদা তোমার জন্য একজন রক্ষক নিযুক্ত থাকবে। আর সকাল পর্যন্ত তোমার কাছে শয়তান আসতে পারবে না”।

(এ কথা শুনে) তিনি সাল্লাল্লাহু ‘আলাইহি ওয়াসাল্লাম বললেন, “শোনো! সে নিজে ভীষণ মিথ্যাবাদী; কিন্তু তোমাকে সত্য কথা বলেছে। হে আবু হুরায়রা! তুমি জান, তিন রাত ধরে তুমি কার সঙ্গে কথা বলছিলে?” আমি বললাম, ‘জী না।’ তিনি বললেন, “সে ছিল শয়তান”।⁵

৩- সর্বোপরি ঘুমানোর আগে-পরের দো‘আ পড়া। বারা ইবন আযেব রাদিয়াল্লাহু ‘আনহু থেকে বর্ণিত, তিনি বলেন,

⁵ সহীহ বুখারী, হাদীস নং ৩০৩৩।

«أَنَّ النَّبِيَّ صَلَّى اللَّهُ عَلَيْهِ وَسَلَّمَ، كَانَ إِذَا أَخَذَ مَضْجَعَهُ قَالَ: «اللَّهُمَّ بِاسْمِكَ أَحْيَا، وَبِاسْمِكَ أَمُوتُ» وَإِذَا اسْتَيْقَظَ قَالَ: «الْحَمْدُ لِلَّهِ الَّذِي أَحْيَانَا بَعْدَ مَا أَمَاتَنَا، وَإِلَيْهِ النُّشُورُ»

“নবী সাল্লাল্লাহু ‘আলাইহি ওয়াসাল্লাম যখন শয্যা গ্রহণ করতেন, তিনি বলতেন,

উচ্চারণ: আল্লাহুম্মা বিসমিকা আহইয়া ও বিসমিকা আমূতু।

অর্থ: হে আল্লাহ আপনার নামে মৃত্যুবরণ করলাম এবং আপনার নামেই জীবিত হব।) আর ঘুম থেকে জাগ্রত হওয়ার পর বলতেন,

উচ্চারণ: আলহামদুলিল্লাহিল্লাযী আহইয়ানা
বাদা মা আমাতানা ওয়া ইলাইহিন্মুশুর।

অর্থ: যাবতীয় প্রশংসা আল্লাহর জন্য যিনি
আমাকে মৃত্যু দেওয়ার পর জীবিত করে
দিয়েছেন এবং তার কাছেই ফিরে যাব।”^৬

আমাদের ইসলাম হাউজেই ঘুমানোর
আগে-পরের যিকির ও দো‘আসমূহ এবং
আদব বিষয়ে একাধিক লেখা রয়েছে,
হিসনুল মুসলিম গ্রন্থেও বিভিন্ন যিকির ও
দো‘আ রয়েছে আমরা সেগুলো সংগ্রহ করে

^৬ সহীহ মুসলিম, হাদীস নং ২৭১১।

আমল করতে পারি। আল্লাহ আমাদের
তাওফীক দান করুন।